



Stgaffir amicizia sur cunfins

Concert primavaun communabel dal Chor dils Larischs e dal Coro Monti da la Valtelina.

11



La reputaziun da las baselgias svizas

L'Institut pastoral-sociologic a Son Gagl ha fatg in studi davart la reputaziun da las baselgias.

11

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

Disla ha envidau al di dils mulins

■ (anr/hh) **Mulins ein indrezs che s'audan alla historia. Biars ein i en decadenza, auters ein svani diltut.** Sch'ei havess buca dau idealists fuss quei bein cultural da veser mo pli sin maletgs. L'Uniun fallun e cascharia Disla/Mustér ha salvau differents indrezs sco perdetgas da pli baul. Il fallun ei in da quels, il mulin in auter. Leutier

ha ella restaurau la resgia veglia che vegneva medemamein messa en funcziun pli baul cun agid dalla forza dall'aua. La sonda vargada ei l'uniun separticipada danovamein al Di svizzer dils mulins ed ha dau la caschun ad jester e dumiesti da prender investa dils indrezs d'antruras.

> PAGINA 5

Nagina midada tar il format

■ (anr/gns) **La Secziun da chatschaders da Bravuogn ha organisà la 101avla radunanza da l'Uniun chantunala grischuna dals chatschaders da patenta.** Per l'emprima giada en l'istorgia da l'uniun avevan las 76 secziuns fatg naginas propostas per mauns da la radunanza da delegads. Robert Brunold, il president dals

chatschaders grischuns, ha manà sia emprima radunanza da delegads a Bravuogn ed ils delegads han bunamain sustegnì tuttas sias propostas. Ina dentant han els refusà e quai è da far in auter format, in pli grond, per la gasetta dals chatschaders grischuns.

> PAGINA 6



Giast dals chatschaders da noss chantun è er stà cusseglier guvernativ Mario Cavigelli (dretg). Qua cun Robert Brunold, il president dals chatschaders grischuns.

FOTO G. N. STIGIER

Festa illas baselgias da Müstair

■ (anr/fa) **Ils organisatuors dal festival «cantars/kirchenklangfest» d'ingon han tshernü eir Müstair per ün di da lur concerts.** Dürant 12 uras han fuormaziuns indigenas e dal Vnuost vaschin impreschiunà als audituors. «Don Mario chi'd es stat pader a Müstair vaiva contacts culs organisatuors dal Cantars, el tils ha fat la proposta da resguardar ingon eir nos cumün», decla-

ra Aldo Rodigari, in suprastanza cumünala il respunsabel pella cultura, «güst i'l temp tanter las stagiuns es ün arrandschaint chi attira glied interessada a la cultura d'avantag per cumün e turissem.» Ils concerts sun gnüts dats impustüt illa baselgia da la Clostra Son Jon, quella da l'Ospiz ed illa baselgia Son Bastiaun.

> PAGINA 7



10021
9771424749004

Servetsch d'abunents e da distribuziun: tel. 0844 226 226
mail: abo@somedia.ch

In eveniment singular

Tschunavel Festival da chors d'affons e giuvenils dalla Svizra a Mustér

DA HANS HUONDER / ANR

■ **Duront quater dis ei Mustér stau il center dil cant d'affons e giuvenils dall'entira Svizra. Il punct culminont ei la presentaziun dil Choral la sonda sera staus.** Tgi che ha vuliu sedivertir ils davos quater dis cun cant d'affons e giuvenils ha stuiu se-render a Mustér. Leu ei vegniu purschiu concerts e produziuns el center da sport e cultura, sin differents piazzas publicas ed en baselgias e capluttas. Leutier han ils affons e giuvenils frequentau luvratoris. La schelta havess buca saviu esser pli gronda. Era dalla qualitat enneu ei il festival staus sin in feg ault nivel. Al festival ein 36 chors cun totalmein rodund 1000 affons e giuvenils separticipai. Tuttas regiuns linguisticas dalla Svizra ein stadas representadas. Denter las formaziuns ein era dus chors dalla Surselva stai. Il Chor d'affons Surselva cun la dirigenta *Rilana Cadruvi* ed il Chor d'affons dalla vischnaunca da Sumvitg cun la dirigenta e presidenta dil comite d'organisaziun da quei festival,



Ina part dil Chor d'affons da Sumvitg duront ina produziun avon casa communal a Mustér.

FOTO H. HUONDER

Flavia Walder-Hublard. La sonda sera ei il Choral vegnius presentaus ella halla plurivalenta dil center da sport e cultura. Per che

la survesta seigi dada pils chors ed aspectatur ei ina gronda tribuna vegnida erigida. Al Choral – in teater en cumbinaziun

cun cant e musica – ein tuts 36 chors separticipai.

> PAGINAS 2 E 3

Carna Grischa è concurs

■ (rtr) La firma possessura da l'interpresa Carna Grischa a Landquart, la Carnaworld Holding SA a Rotkreuz en il chantun Zug, è bancrut. La Carnaworld Holding SA aveva surpiglià la Carna Grischa l'onn 2010 e tegn fin uss la gronda maioritad da las aczias da l'interpresa da martganzia da chorn da Landquart. Tenor il manader da gestiun transitoric da la Carna Grischa, *Martin Niederberger*, n'haja il concurs da la holding nagina muntada per els. La Carna Grischa sezza è dapi l'avrigl en in moratori provisoric.

Dapli concurs

■ (rtr) L'avrigl han considerablamain dapli firmas en Svizra fatg concurs. Cumpareglia cun l'avrigl da l'onn passà è il dumber da concurs s'augmentà per 18% sin 340. Tenor il servetsch d'infurmaziuns economicas Bisnode èsi vegnì en ils emprims quatter mais da l'onn a 1415 cas d'insolvenza. Quai correspunda ad in augment dad 1% cumpareglia cun la perioda da l'onn avant. 13 662 interpresas novas èn vegnidas registradas ils emprims quatter mais da l'onn en il register da commerzi, quai che correspunda ad in regress da 3%.

Analissau la regiuvinaziun

Interessantast constataziuns suenter ils orcans Vivian e Lothar

DA HANS HUONDER / ANR

■ **Igl Institut federal per la perscrutaziun digl uaul, neiv e cuntrada ha analisau la regiuvinaziun digl uaul els loghens donnegiai dils orcans Vivian e Lothar.** En quels loghens ei igl uaul ellas muntognas oz meins spess ch'ella Bassa. 1990 e 1999 han ils orcans Vivian e Lothar caschunau

considerabels donn els uauls svizzers. Sisum la Surselva ha il Vivian sdernau mellis plantas. 25 onns pli tard san empremas conclusiuns davart la regiuvinaziun, respectivamein las mesiras pridas da gliez temps vegnir tratgas. Tenor igl Institut federal per la perscrutaziun digl uaul, neiv e cuntrada ei igl uaul serevegnius differentamein en loghens dalla Bassa,

respectivamein dallas muntognas. Ellas Alps ei igl uaul giuven meins spess ed aschia ei sia funcziun sco uaul da protecciun aunc limitada. Medemamein han ins constatata che plantas plantadas ein sesviluppadas meglier che plantas carschidas en connex cun la regiuvinaziun naturala.

> PAGINA 4



A Cavorgia denter Mustér e Sedrun prosperescha igl uaul. Cheu ei la pli gronda surfatscha d'auul cumpacta en Svizra vegnida donnegiada igl onn 1990 digl orcan Vivian.

FOTO H. HUONDER